



**De Ortv Et Progressv Ac Viris Illvstribvs Ordinis  
Gloriosissimæ Dei Genitricis, semper Virginis Mariæ de  
monte Carmelo**

**Trithemius, Johannes**

**Coloniae Agrippinae, 1643**

Cap. VII. Verba hæc ex Canticis Caputum vt Carmelus &c. ad honorem B.  
Mariæ Virginis, eiusq[ue] in hunc Ordinem singularis charitatis mysticè  
explicantur.

---

[urn:nbn:de:hbz:466:1-64495](#)

tuuisse illi reuelatum , ex sua stirpe Beatam Virgi-  
 nem nascituram, ut testatur Petrus Dorlandus Car-  
 thus in vita S. Anne , & Iodocus Badius Ascensus.  
**Pet. Dor-**  
**indus.**  
**Ja-**  
**s.**  
**Armach.**  
**Waldens.**  
**NOTA.**  
**Mart.**  
**Italus.**

Cum autem Beatissima Virgo , Nazareth inhabi-  
 taret, quæ teste Hieronymo, à Carmelo tribus tan-  
 tum distat miliaribus Carmelitas Carmelum in-  
 colentes, aliquando cum suis sodalibus visitabat, ob  
 veterem loci sanctitatem , teste Armachano Hi-  
 bernia Primate, ut refert Waldensis de Sacramen-  
 titul. 9. cuius hæc sunt verba: *Erat huius Ordinis so-  
 ror, nomine MARIA, quæ dum de Nazareth in mon-  
 tana Carmeli concordere statueret, pluries dixit filio  
 suo, vadam, & narrabo nomen tuum Fratribus  
 meis, Patris Eliæ Filii: & quid putas Ordo Carmeli  
 responderit, utique illius sanctissima Elisabeth Ver-  
 bum: Vnde hoc mihi, ut veniat mater Domini mei  
 ad me? atque illud verbum institutoris Eliæ. Mu-  
 lier  
 da mihi filium. Eiusdem sententia est Martinus Ita-  
 lus in suis Chronicis: *Adeos autem (ait) qui ineunte  
 tempore superioribus ex Prophetis originem tra-  
 runt, Sanctam Dei Genitricem cum in humanis age-  
 ret, sicut matrem ad Filios, se penumero venisse legi-  
 mus: ad istiusmodi etiam viros, Christum cum dis-  
 pulis quibusdam peruenisse didicimus.**

## CAPUT VII.

*Verba hac ex Cantico, Caput tuum sicut Carme-  
 lus, &c. ad honorem B. MARIE Virginis, eiusq;  
 in hunc Ordinem singularis charitatis  
 mysticè explicantur.*

Cant. 7.

D.Greg.

**A**D præconium huius Ordinis & B. MARIE Virginis de monte Carmelo valde con-  
 gruere mihi videtur diuinum illud Spon-  
 eologium Cant. 7. Caput tuum, ut Carmelus; varia  
 quæ in eo delitescunt, arcana, in laudem Virginis  
 placet primo referare, deinde encomia Carmeli-  
 tanæ Religionis prosequi. Scio, D. Gregorium per  
 caput, hoc loco intelligere Christum Dominum,  
 ipsumque

ipsumque monti Carmelo assimilare: verba illius sunt hæc. Caput Ecclesia Christus, qui bene, ut Carmelus dicitur, quia ipse per passionem, quam sustinuit, ad gloriam Patris est exaltatus, de quo scriptum est: Et erit in nouissimis diebus preparatus mons dominus Domini, in vertice montium: in Carmelo quippe Elias orans, obtinuit pluuiam, & nos in Carmelo orantes pluuiam impetramus, quando in Christum credentes, Christum desideramus, & à patre irrigationem gratia suscipimus, quam rogamus. Hanc interpretationem sequutus eruditus auctor, Iustus in *Iustus, c.7. Cant. ait: In Carmelo monte S. Elias, & Elisæus, Cant. 7.*

sepe receptaculum habuerunt, quapropter in capite Ecclesia domino nostro Iesu Christo, quo sublimius nihil est, tanquam in monte Carmelo, est iusti habitaculum, & multitudo populorum, tanquam diuersitas animalium, sapientia percipit alimentum. Comæ capitalis istius, sicut purpura Regis vindacanalibus, eminentiores sunt Sancti, videlicet Martyres Christi consimilati. Cæterum alij Doctores præsentem locum intelligunt de ipso monte Carmelo, in eo tamen sunt diuisi, ac discordes: quod quidam illum applicant ad Ecclesiam, sicut applicuit noster Nicolaus de Lyra, qui affirmans Carmelum montem esse altissimum, & pulcherrimum, multisque herbis odoriferis refertum, ait, Isaiam capite 35. ad explicandam Ecclesiæ Catholicae fœlicitatem, adhibuisse similitudinem à monte petitam: Latabitur deserta, & inuia, & exultabit solitudo, & florebit, quasi lilyum, germinans germinabit, & exultabit latabunda, & laudans, gloria Libani data est ei, decor Carmeli, & Saron. Etenim per fertilitatem, & amænitatem horum, & præfertim Carmeli, qui fœcundissimus erat, significare voluit Isaias, quicquid erat spiritualis amænitatis in vetere legi transferendum fuisse in Ecclesiam Christi.

Nicolaus  
de Lyra.

*Isaia 35.*

Alij tamen Doctores prædictum locum mysticè intelligentes, in laudem Virginis illum conuertunt.

R. S

Doctil-

*Gulielm.*

Doctissimi Gulielmi, piam, ac præclaram expositionem primo loco apponam, ab eius verbis nihil prouersus detrahens: sic eniū illum, interpretatur: *Mens in Virgine matre, monti comparatur proper excellentiam gratia.* Carmelus quippe in sacris litteris mons est famosus. Cur autem non alij monti, sed Carmelo petissimum mens illa virginea comparetur, ratio est: Carmelus quippe interpretatur scientia circumcisionis, & ne pia mater videatur forte minus intellexisse mysterium Circumcisionis, quod in illo veteri populo contra originalem reatum diuinatus sanctum erat. ne, inquam, videatur minus nosse mysterium circumcisionis, eo quod Filium duxit circumcidendum, quem priuilegio sacrae Conceptionis, & Natiuitatis sciebat esse ab omni originali labe immunem, & liberum, idcirco illi à Filio specialiter dicitur: Caput tuum ut Carmelus, ac si aperte diceretur: Bene sciebas, ô pia Mater, cur populo Dei datum esset remedium circumcisionis. & tamen me, quem sine concupiscentia, ac per hoc non in peccatis singulariter conceperisti, carnali circumcisioni, quasi ab originali labe purgandum subdidisti, neque hoc in iipso inter faciebas, sed diuina inspirationi, per spiritum edocta, jerubas, quippe oportuit mediatorem legis factum ex mulier fieri quoque sub lege. & hoc dispensatoriè, vt eos, qui sub lege erant, redimeret. Hęc Gulielmus.

*z. Expos.*

Secunda expositio bonum exemplum, quo Beata Virgo intuentes se, docebat, intelligentiam huius loci conuertit. Etenim sicut nulla humani corporis pars magis eminet, & patentior est omnibus, quam caput; ita in Beata Virgine nihil magis omnibus patebat, quam optimum eius exemplum: hoc ergo comparat cœlestis Iponsus Carmelo, qui (vt nuper dicebam) interpretatur, dans scientiam circumcisionis, quia Deipara Virgo, exemplo suo docebat omnia animæ nocua circuincidere: in illam enim aspicientes, & compositos eius mores obseruantes, facile nosse poterant, quid in vita mon-

moribusque, eos circumcidere oporteret, nimirum, ex eius humilitate superbiam, ex patientia iram, ex charitate inuidiam, ex temperantia in-gluuem, ex regulatissima tandem eius iuendi ratione, effrenatissimam propriæ vitæ consuetudinem sibi resecandam addiscere poterant.

Tertiam expositionem huic affinein tradit anti-  
quis. Ioannes XLIV. Patriarcha Hierosolymit. ex Ioannes  
Ordine Carmelitarum assumptus, in lib. de insti- XLIV.  
tutione Monachorum c. 34. vbi hæc præclara habet  
verba: *Sponsus in epithalamio Virgini dicit gratula-*  
*bundus, Caput tuum, ut Carmelus: ubi per caput*  
*intelligitur recte anima & mens, quia sicut in corporis*  
*membris caput preeminet, ita in viribus anima & mens*  
*dignior est. Et sicut à capite membra, ita à mente ce-*  
*tera vires anima reguntur. Carmelus vero, cognoscens*  
*circumcisionem interpretatur. Recte igitur spon-*  
*sus huic Virgini congratulans: ait, Caput tuum id est,*  
*mentis tua, ô Dei genitrix est, ut Carmelus, id est, vere*  
*cognoscens circumcisionem, quia prima fæminarum*  
*per spontaneam voluntatem, & virginitatem, sci-*  
*uisti à te prorsus circumcidere omnem venereum vo-*  
*luptatem.*

Quartam expositionem tradit Dionysius Car- 4. Expos.  
thusianus art. 24. super Cant. Per caput Virginis, Dionys.  
sanctam eius voluntatem intelligit, quæ instar Carthus.  
Carmeli montis in Deum semper amoris altitudi-  
ne ferebatur, & bonorum operum fructibus abun-  
dabat. Additque posse etiam accipi eius intentio-  
nem in rebus omnibus altissimam.

Sed arbitror (& hæc sit quinta expositiō) rectius 5. Expos.  
per caput MARIAE, utramque anima & eius partem  
superiorem intelligi, quæ Carmelo monti compa-  
ratur, tum quia sublimitate, & pulchritudine reli-  
quos omnes montes, hoc est, reliquos omnes San-  
ctos, longè superat; tum etiam quia abundat om-  
nium florum, odorumq; suavitate, id est, omnium  
virtutum, & gratiarum fragrantia: tum tandem,  
quia

quia sicut *Carmelus* mons propter altitudinem & viriditatem contemplationi erat aptissimus : ob quam causam *Elias* cō contemplandi gratia serecipere consueverat, vt 3. Reg. cap 18. legimus, ita nullus locus inter puras creaturas ad contemplandum aptior inueniri potest, quam Virginis caput, hoc est, suprema eius animæ pars, in qua pene innumera Dei dona, prærogatiæ, ac cœlestia charismata præfulgebant. In hunc ergo montem si quis per piam, ac frequenter contemplationem ascenderit, facile profectò in summam diuinæ bonitatis, sapientiæ, potentiarumque admirationem rapietur.

## 6. Expos.

Sextam iam adnecto expositionem, in lectione Hebreorum fundatam, qui non legunt. *Caput tuum*, sicut *Carmelus*, sed *Caput tuum super te*, sicut *Carmelus*: quibus verbis indicat dominus Sponius, *caput Virginis dilectissimæ sponsæ suæ*, non fasile super humeros depresso, sed eminens, quod multum facit ad pulchritudinem: qua metaphora significat Virginis charitatem, quæ caput est reliquarum virtutum, eminentem in ea fuisse, non humeris ipsis cohærente, id est, operibus tantum respondentem; sed altitudine, & eminentia omnino opera transcendisse, ita ut non contenta fuerit Virgo operibus, ad quæ lege tenebatur: hoc enim erat depresso super humeros habere caput, sed semper ad excellentiora supererogationis opera aspirauerit, quod est eminens habere caput super humeros. Aptè etiam charitas Virginis monti *Carmelo* assimilatur, quia sicut ille uberrimus erat fontibus, ac riuiulis amoenissimus, ita charitas Virginis uberrima fuit operibus, fontibusque & riuiulis, qui in proximorum utilitatem deriuabantur amoenissima. Huic interpretationi non parum mihi fauere videtur Rabbi Abnesdra doctissimus inter Hebreos: nam licet affirmet, per *Carmelum* hoc loco non intelligi montem illum, in lacris litteris celebratus.

*Rabbi Abnesdra.*

bratissimum; asserit tamen, significare colorem 2. *Paral.*  
coccineum, sicut & 2. *Paralipomenon.* vbi pro eo,  
quod vulgata nostra vertit, *coccino*, Hebraicum  
originale legit *Carmel.* Quis autem non videat,  
per coccineum colorem, ardensem, ac flammige-  
ram Virginis charitatem apte satis significari, quæ  
cum sit princeps reliquarum virtutum, iuxta illud  
Pauli: *Maior autem horum est charitas*, recte per  
caput Virginis denotatur, quod quantò eminen-  
tius est, & sublimius reliquis corporis membris,  
tantundem feruentissima Virginis reliquorum  
omnium Sanctorum charitatem transcendebat.

Exercuit Beata Virgo feruentem hanc suam cha-  
ritatem, erga sacram Carmelitarum Religionem,  
immo primitias illius ei obtulit, sub protectionis  
suae pallio, illam suscipiens, & materna sua pietatis  
viscera primitus illi aperiens. Etenim, ut in magna  
domo, praeter patrem familias, matrem etiam ali-  
quam, esse necesse est, non solum ad gignendos li-  
beros, sed ad eos deinde lactandos, & aleandos: sic  
in hac sacra Carmelitanæ Religionis domo, etsi  
primos parentes *Eliam*, & *Elisaum* haberet, oport-  
ebat tamen propriam ei esse matrem, quæ ad spi-  
ritualēm hanc religiosæ prolis familiam nutrien-  
dam, & propagandam, continuis suis officijs, ac  
meritis cooperaretur, qualem descripsit Sapiens, *Prov. 31.*  
dantem prædam domesticis suis, & cibaria ancillis,  
omnesq; ei famulantes duplicitibus vestientem.

## CAPUT VIII.

Rationes, ob quas hic Ordo, singularem B. MARIAE  
Virginis amorem & Patrocinium promovererit, &  
de primo in toto Orbe Templo seu Oratorio,  
in monte Carmelo B. Virgini  
dedicato.

**Q**uomodo autem Beatissima Virgo sacram  
hanc Religionem præcipuo amore fuerit  
profe-